

GENEROSIS

ET MAGNAE VIRTUTIS
& spei Adolescentibus, Iohanni Io-
hansen, & Conrado Quitzo, di-
scipulis suis charissimis
& optimis.

Lucas Lossius S. D.



V L T A S V N T C E R =
tissima signa horrendæ ire
Dei aduersus peccata humani
generis, & imminentis extre-
mi iudicij, in quo Filius D E I
constitutus à Patre iustus ui-
uorum & mortuorum iudex,
dignas poenas sumpturus est à
contemtoribus sui Euangelij, & æterna præmia reddi-
turus omnibus qui uoci Euangelij, quod Filius Dei ex
arcano sinu seu pectore sui Patris ad nos attulit, uerè
obtemperarunt. Inter hæc signa irati Dei propter
peccata nostra, & impendentis extremi iudicij, arbit-
ror non postremum esse præcipuum hoc tempore li-
terarum, uirtutis & disciplinæ contemptum in uul-
go, & iuuentutis inobedientiam: quam pij paren-
tes, qui honestè & rectè liberos suos educari & insci-
tui student, & qui Scholas docent & moderantur,
multiplicem experiuntur. Nam & Diuus Paulus in
A 2 obedi-